



Broj: 05/1-50-13-26-45-3/18

Sarajevo, 9. 3. 2018.

ZAPISNIK

45. sjednice Nezavisnog odbora Parlamentarne skupštine BiH

Sjednica je održana 9. 3. 2018, s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralija, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 45. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 42. sjednice Nezavisnog odbora;
2. Utvrđivanje rang-liste uspješnih kandidata prijavljenih na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine s kojima je obavljen intervju;
3. Tekuća pitanja.

Ad.1. Usvajanje Zapisnika 42. sjednice Nezavisnog odbora

Zapisnik 42. sjednice Nezavisnog odbora jednoglasno je usvojen, bez primjedbi.

Ad.2. Utvrđivanje rang-liste uspješnih kandidata prijavljenih na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine s kojima je obavljen intervju

Nakon obavljenog intervjua članova Nezavisnog odbora s kandidatima prijavljenim na Javni konkurs za provođenje procedure odabira kandidata za izbor direktora i zamjenika direktora policijskih tijela BiH, uslijedilo je ocjenjivanje i bodovanje kandidata za svaku poziciju na koju su se kandidati prijavili, a radi sačinjavanja rang-liste. Nakon bodovanja, članovi Nezavisnog odbora pristupili su glasanju za svaku poziciju posebno.

- Rang-lista uspješnih kandidata za poziciju direktora Granične policije BiH usvojena je jednoglasno.
- Rang-lista uspješnih kandidata za poziciju zamjenika direktora Granične policije BiH usvojena je sa osam glasova „za“ i jednim „protiv“.
- Rang-lista uspješnih kandidata za poziciju direktora Direkcije za koordinaciju policijskih tijela BiH usvojena je jednoglasno.
- Rang-lista uspješnih kandidata za poziciju zamjenika direktora Direkcije za koordinaciju policijskih tijela BiH usvojena je jednoglasno.
- Rang-lista uspješnih kandidata za poziciju zamjenika direktora Državne agencije za istrage i zaštitu usvojena je jednoglasno.

Konačna rang-lista uspješnih kandidata će, u skladu s članom 13. stav (2) Poslovnika o radu Nezavisnog odbora kao nezavisnog tijela policijske strukture BiH (“Službeni glasnik BiH”, broj 93/09), biti dostavljena ministru sigurnosti BiH na daljnje postupanje.

RANG-LISTA

uspješnih kandidata

I. Za poziciju direktora Granične policije Bosne i Hercegovine:

1. Zoran Galić (97,22 boda)

II. Za poziciju zamjenika direktora Granične policije Bosne i Hercegovine

1. Fahrudin Halač (84,44 boda)
2. Jasmin Gogić (60,00 bodova)
3. Ensad Korman (53,88 bodova)

III. Za poziciju zamjenika direktora Državne agencije za istrage i zaštitu

1. Đuro Knežević (95,00 bodova)

IV. Za poziciju direktora Direkcije za koordinaciju policijskih tijela Bosne i

Hercegovine

1. Mirsad Vilić (97,77 bodova)
2. Jasmin Gogić (56,66 bodova)

V. Za poziciju zamjenika direktora Direkcije za koordinaciju policijskih tijela Bosne i

Hercegovine (2 izvršioca)

1. Ivica Bošnjak (95,66 bodova)
2. Relja Kovač (92,22 boda)
3. Dragan Prodanović (84,44 boda)
4. Ranko Vuković (77,22 boda)

Dalje, u sklopu ove tačke dnevnog reda Nezavisni odbor jednoglasno je donio sljedeći

ZAKLJUČAK

Potrebno je da sekretar Nezavisnog odbora obavijesti kandidate koji su na rang-listi uspješnih da su dužni do 14. 3. 2018. Nezavisnom odboru Parlamentarne skupštine BiH dostaviti ljekarska uvjerenja, nakon čega će lista najuspješnijih kandidata biti dostavljena ministru sigurnosti BiH. Ako neko od kandidata ne bude dostavio ljekarsko uvjerenje, bit će zakazana sjednica Nezavisnog odbora Parlamentarne skupštine BiH na kojoj će se odlučiti o daljnjem postupanju, a ako svi kandidati dostave ljekarska uvjerenja, rang-lista će biti prosljeđena ministru sigurnosti BiH.

Također, dogovoreno je da će se, u skladu s članom 9. stav (2) Odluke o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine, broj: 03-34-6-36/10 od 5. 1. 2010, ministru sigurnosti BiH dostaviti i imena i broj bodova kandidata s kojima je obavljen intervju, a koji nisu na rang-listi uspješnih kandidata.

Ad.3. Tekuća pitanja

U sklopu ove tačke dnevnog reda, u skladu s odlukom s prethodne sjednice Nezavisnog odbora da će se Nezavisni odbor očitovati u vezi s predstavkom koja je pristigla na e-mail Nezavisnog odbora, a koja se odnosi na direktora Direkcije za koordinaciju policijskih tijela BiH Mirsada Vilića, predsjednica Nezavisnog odbora otvorila je raspravu o ovom pitanju. Nakon rasprave, u kojoj su učestvovali svi članovi Nezavisnog odbora, jednoglasno je odlučeno da Nezavisni odbor predmetnu predstavku neće razmatrati. Predstavka će biti dostavljena nadležnom organu.

Dalje, članovi Nezavisnog odbora konstatirali su da mandat ovom sazivu Nezavisnog odbora ističe 17. 3. 2018, te da on nastavlja s radom do imenovanja novih članova. Usaglašeno je da se sljedeća sjednica Nezavisnog odbora održi u drugoj polovini aprila 2018. godine.

Predsjednica Nezavisnog odbora Tatjana Klječanin-Martić zaključila je sjednicu u 19.20 sati.

SEKRETARKA
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić